


Hospital lo tene un “open house” di e edificio nobo dia 1 di augustus



ORANJESTAD - Edificio nobo di Hospital a dura 2 aña pa construi. Hospital ta orguyoso di mira e edificio yegando na su fase final y cu pronto tur hende por haci uzo di esaki. Nos por a nota na diferente ocasion cu e empleadonan mes di hospital a haya e oportunidad pa cana rond riba diferente pisonan di e hotel pa asina cera conoci cu e edificio nobo.

Dia 1 di augustus 2017 Hospital lo tin un asina yama “Open House” pa comunidad di Aruba parti mainta, unda cu pueblo mes lo por mira con bunita e edificio

nobo ta di paden y pafo. E “Open House” lo ta di 9:00 AM te cu 12:00 PM. Pa e “Open House” por haci uzo di e parkeerplaats di e edificio nobo y ta pasa na e entrada principal di nos Spoedeisende Hulp nobo.

Durante e “Open House” e bishitantenan lo ricibi un “mini tour” duna pa un guia di Hospital den nos Spoedeisende Hulp nobo y alabes por mira tur e facilidadnan cu departamento di maternidad nobo tin pa ofrece. Si pa motibo di tempo no ta posibel pa contesta tur pregunta of si e preguntanan p.e. ta hopi tecnico lo tin un box disponibel

pa asina por haci esaki via un formulario y lo manda e contesta durante e dianan cu ta sigui.

Mirando cu ta un Hospital ta pidi encarecidamente pa no acudi na e “Open House” aki cu mucha.

Director encarga cu cuidio medico di Hospital, Ezzard Cilié, ta contento di mira con leu nan a yega desde cu a start sali cu e proyecto grandi y importante aki. Pa cu esaki Cilié y Hospital completo ta haya importante pa comunidad di Aruba tambe mira con e edificio nobo ta kedando.

Hunta di Directiva sigur kier a haci uzo di e momento aki pa bisa danki na cada persona cu di un of otro manera a haci e proyecto di e edificio nobo aki posibel.

Aruba ta cla pa un era nobo den cuidio medico na Hospital.

